


## БЕКІТЕМІН

«Қостанай меценаттар клубы»  
Корпоративтік қорының Президенті

 **В.С. Розинов**

« 01 » *февраль* 2020 жыл

### Мәдениетті, өнерді, журналистиканы, спорты, ғылым мен білімді дамытуға қосқан үлесі үшін Қостанай меценаттар клубының «Қазына» және «Шабыт» сыйлықтарын тағайындау туралы ЕРЕЖЕ

#### Ұйымдастырушылар:

«Қостанай меценаттар клубы» КҚ  
Қостанай облысы әкімдігінің мәдениет басқармасы

#### Негізгі ережелері:

1. «Қостанай меценаттар клубы» КҚ (бұдан әрі – Клуб) Меценаттар клубы сыйлықтарының құрылтайшысы болып табылады.
2. Клуб сыйлықтары — жыл сайынғы, атаулы, алдағы өткен жылдың жетістіктері үшін беріледі (мысалы: 2019 жылы сыйлықтар 2018 жылдың жетістіктері үшін берілді). Мәртебесін көтеру мақсатында сыйлық тек бір номинантқа беріледі.
3. Құрылтайшылар сыйлықтардың мөлшерін, түрін жыл сайын белгілейді және қандай да бір сыйлықты бермеу туралы құқықты өзіне қалдырады. Жекелеген үміткерлер мен ұжымдар Клубтың арнайы сыйлығымен марапатталуы мүмкін.
4. Сыйлықты алуға ізденушілер тек қана Қостанай облысының аумағында тұрып жатқан Қазақстан Республикасының азаматтары бола алады. «Шабыт» сыйлығын алуға ізденушілердің жасы – 18 жастан бастап 35 жасқа дейін, «Қазына» сыйлығын алуға ізденушілердің жасы – 35 жастан бастап.
5. Бір ізденуші екі немесе одан көп номинацияға ұсыныла алмайды.
6. Құрылтайшылар Клуб сыйлықтарын беру жөніндегі жұмыс тобының және тәуелсіз комиссияның құрамын мәдениет, өнер, журналистика, ғылым және білім қайраткерлерінің ішінен анықтайды.
7. Клуб сыйлықтарын алу үшін өз кандидатурасын ұсынуға тәуелсіз комиссия мүшелерінің құқығы жоқ.



8. Жұмыс тобы тиісті қызмет саласының (бағытының) мамандары және ҚР Суретшілер одағының Қостанай облыстық ұйымы; ҚР Жазушылар одағының Қостанай облыстық филиалы; ҚР Композиторлар одағы; ҚР Театр қайраткерлері одағы; ҚР Журналистер одағы; Қостанай облысы әкімдігі мәдениет басқармасы, Қостанай облысы әкімдігі білім басқармасы, Қостанай облысы әкімдігі дене шынықтыру және спорт басқармасы өкілдерінің қатысуымен құрылады.

9. Конкурсты өткізу туралы хабарландыру «Костанайские новости» және «Қостанай таңы» газеттерінде орналастырылады. Меценаттар клубының «Қазына» және «Шабыт» сылықтарын тағайындау туралы ереже Қостанай облысы әкімдігі мәдениет басқармасының сайтында орналастырылады (<http://kultura.kostanay.gov.kz/>).

10. Конкурсқа қатысуға өтінімдер мен құжаттарды қабылдау БАҚ-та хабарландыру жарияланған күннен бастап 15 күнтізбелік күн ішінде іске асырылады. Белгіленген мерзім өткеннен кейін өтінімдер қабылданбайды.

11. Барлық көркем жобалар, жұмыстар, қойылымдар жоғары шеберлігімен және мазмұндылығымен ерекшеленіп, мәдениеттің, өнердің, ғылымның, журналистиканың және білімнің дамуына игілікті ықпал етуі тиіс.

12. Конкурсқа қатысушылар өз материалын көрсеткен кезде жаңа технологияларды (бейне, электрондық презентацияларды) пайдаланып, сөйлейтін сөзінің тезистерін дайындай алады.

13. Іріктеу айналымы 2 кезеңнен тұрады:

I кезең: жұмыс тобы келесі кезеңге қатысу үшін үміткерлердің құжаттарын дайындауды іске асырады;

II кезең: тәуелсіз комиссия жеке негізде конкурсқа қатысушылармен сөйлесуді, қарауды және тыңдауды өткізеді, сыйлықтар алуға үміткерлер бойынша меценаттар Клубының мүшелеріне ұсынымдар енгізеді.

14. Тәуелсіз комиссияның ұсынымдары негізінде Құрылтайшылар Меценаттар клубының сыйлықтарын алуға үміткерлердің тізімін бекітеді.

15. Конкурстың нәтижелері туралы мәліметтерді оларды ресми хабарлау күнінен бұрын жариялауға жол берілмейді.

16. Марапаттау рәсімін өткізу аяқталғаннан кейін үміткерлер бір ай ішінде ұйымдастыру бөлімінен құжаттарын алуы қажет (мекенжайы: Қостанай қ., Әл-Фараби даңғ., 60 үй, Мәдениет басқармасы). Аталған мерзім өткеннен кейін құжаттардың сақталуына наразылықтар қабылданбайды.

17. **Конкурстың номинациялары:**

1. Бейнелеу өнері (көркем сурет, мүсін, сәулет, сценография және б.).
2. Әдебиет (проза, поэзия).



3. Театр өнері (актерлер, режиссерлер).
4. Музыка өнері (композиторлар, дирижерлар, аспапшылар, солист-аспапшылар, аранжирлеушілер).
5. Вокал өнері (вокалдық топтар, ансамбльдер, солист-вокалшылар).
6. Хореография (классикалық, спорт-бал, халық билерінің ұжымдары және жеке орындаушылары).
7. Журналистика (баспасөз және теледидар журналистері).
8. Ғылым (ғылыми дәрежесі бар ғылым қайраткерлері).
9. Мәдени мұра («Қазына» сыйлығы) (тарихшылар, археологтар, мәдениет қызметкерлері, қоғам қайраткерлері).
10. Ауыл жанашыры.
11. Білім беру (облыстың білім беру саласының қызметкерлері).
12. Шығармашылық ұжымның басшысы.
13. Спорт.

## **I. «БЕЙНЕЛЕУ ӨНЕРІ» НОМИНАЦИЯСЫ**

Сыйлық сәулет, көркем сурет, мүсін, фотоөнер, қолданбалы өнер және сценография саласындағы жұмыстар үшін беріледі.

Сыйлықты алу үшін арнайы басылымдарда мамандардың бағасын алған және ҚР Суретшілер Одағының Қостанай облыстық ұйымымен ұсынылған аяқталған жобалар мен жұмыстар қабылданады.

Номинацияға қатысу үшін облыстық сурет галереясына (мекенжайы: Қостанай қ., Алтынсарин көш., 113, т. 50-28-88) 5 біртума көркем жұмыс ұсынылады (сәулет және дизайнерлік әзірленімдер, мүсін, көркем сурет, графика, сәндік-қолданбалы өнер, макет, эскиз).

Көркем сурет және графикалық жұмыстар жиектемеге, паспортқа ресімделіп, мына үлгі бойынша жазылған (екінші бетінде) болуы тиіс:

- автордың тегі, аты, туған жылы;
- жұмыстың атауы, жасау жылы, техникасы.

Мүсін және сәндік-қолданбалы өнердің әр затына, макетке, эскизге осыған ұқсас деректері бар бирка тағылуы тиіс.

Негізгі құжаттарға қоса халықаралық, республикалық, облыстық көрмелер мен конкурстарға қатысуын растайтын құжаттардың көшірмелері, ұсынымдар, буклеттер қоса беріледі. Жұмыстардың сақталуына және көрме аяқталғаннан кейін қайтарылуына кепіл беріледі.

## **II. «ӘДЕБИЕТ» НОМИНАЦИЯСЫ**

Сыйлық әдеби шығармашылықтың кез келген жанрындағы туынды нысанын жамылған пәлсапа ойының, отандық әдебиет, поэзияның қазынасына қосқан үлесін мойындау болып табылады.

Клуб сыйлығын алуға қоғамның рухани дамуына бағасы жоқ үлес қосқан және беделді сыншылар мен оқырмандардың құрметіне ие болған және ҚР Жазушылар Одағының Қостанай облыстық ұйымымен ұсынылған жазушылар мен ақындардың кандидатуралары ұсынылуы мүмкін.



«Әдебиет» номинациясына қатысу үшін Л.Н. Толстой атындағы облыстық ғылыми әмбебап кітапханасының жанындағы әдеби-көнеестік орталыққа (мекенжайы: Қостанай қ., Алтынсарин көш., 111, т. 500-322) жарияланған, басылған туындыны ұсыну қажет.

### **III. «ТЕАТР ӨНЕРІ» НОМИНАЦИЯСЫ**

Сыйлық театр өнері саласындағы үздік режиссерлік жобалар, актерлердің үздік жұмыстары үшін беріледі.

Номинацияға қатысу үшін тәуелсіз комиссияның қарауына 2 біртума көркем нөмірді (спектакльден үзінді, монолог) ұсыну қажет.

### **IV. «МУЗЫКА ӨНЕРІ» НОМИНАЦИЯСЫ**

Сыйлық композиторлардың классикалық, ұлттық және қазіргі эстрада музыкасы саласындағы туындылары үшін, орындаушылық шеберлігі үшін (композиторлар, дирижерлер, аспапшылар, солист-аспапшылар, аранжирлеушілер, дыбыс режиссерлері) беріледі. Ұсынылған жұмыстар жоғары кәсіби-көркем талаптарға сәйкес болуы тиіс. Композиторлар мен музыканттардың шығармашылығы республикалық және халықаралық конкурстардың, фестивальдердің грамоталарымен, дипломдарымен расталуы тиіс.

Номинацияға қатысу үшін тәуелсіз комиссияның қарауына 3 біртума көркем нөмірді (аспаптық туындылар, іске асырылған шығармашылық жобалар) ұсыну қажет.

### **V. «ВОКАЛ ӨНЕРІ» НОМИНАЦИЯСЫ**

Сыйлық классикалық, халық, эстрадалық және қазіргі туындыларды насихаттау және орындаудың жоғары кәсіби деңгейі үшін беріледі.

Клубтың сыйлығын алуға республикалық және халықаралық фестивальдердің, конкурстардың лауреаттары болған, облыстық және республикалық деңгейдегі концерттік бағдарламаларға белсенді қатысатын солист-вокалшылар, вокалдық топтар, ансамбльдер, хорлар ұсыныла алады.

Номинацияға қатысу үшін тәуелсіз комиссияның қарауына әртүрлі сипаттағы (жанрдағы) 3 әнді ұсыну қажет.

### **VI. «ХОРЕОГРАФИЯ» НОМИНАЦИЯСЫ**

Сыйлық хореография өнері саласындағы жетістіктері, жоғары кәсіби шеберлігі, сюжеттік қойылымдардың төлдаралығы мен өзіндік ерекшелігі үшін беріледі.

Клубтың сыйлығын алуға республикалық және халықаралық фестивальдер мен конкурстардың лауреаттары болған, облыстық және республикалық маңызы бар концерттік бағдарламаларға белсенді қатысатын жекелеген солистер, эстрадалық, спорт-бал, классикалық, халық билері ұжымдары ұсыныла алады.

Номинацияға қатысу үшін 3 хореографиялық композицияны ұсыну қажет.



## **VII. «ЖУРНАЛИСТИКА» НОМИНАЦИЯСЫ**

Сыйлық үздік журналистік материалдар үшін бұқаралық ақпарат құралдарының қызметкерлеріне беріледі.

Жұмыстар терең мағыналығымен, жоғары танымдық деңгейімен ерекшеленіп, қоғамда рухани құндылықтардың қалыптасуына ықпал етуі тиіс.

Конкурса қатысу үшін тележурналистерге бағдарламалардың бейнежазбасын, газет-журналдардың журналистеріне — мақалалардың топтамасын ұсыну қажет.

## **VIII. «ҒЫЛЫМ» НОМИНАЦИЯСЫ**

Сыйлық ғылыми дәрежесі бар ғылым қайраткерлеріне облыстың, елдің әлеуметтік-экономикалық дамуына айтарлықтай үлес қосқан қолданбалы сипаттағы жұмыстары үшін беріледі.

Конкурса қатысу үшін мынаны ұсыну қажет:

- тиісті ұйымның басшысы қол қойған ілеспе хат (ресми бланкіде);
- ұйымның мөрі басылған ғылыми (ғылыми, ғылыми-техникалық) кеңестің дәлелденген қолдаухаты. Қолдаухатта ізденушінің ғылыми үлесі, оның жетістіктері мен тәжірибелік әзірленімдері, сондай-ақ ізденушінің ұсынылу сәтіндегі, күтілетін нәтижелер, олардың ғылыми және қолданбалы маңыздылығы көрсетілген ғылыми қызметінің бағдарламасы туралы мәліметтер қамтылуы тиіс (баспа мәтіннің 5 парағынан артық емес);
- ғылыми басылымдардағы жарияланымдар, рецензиялар.

## **IX. «МӘДЕНИ МҰРА» НОМИНАЦИЯСЫ («Қазына» сыйлығы)**

Сыйлық рухани және білім беру саласын дамыту үшін, мәдени мұраның сақталуын және тиімді пайдаланылуын қамтамасыз ету үшін, Қазақстан халқының тілдерін, салт-дәстүрлерін насихаттау мен дамыту үшін, тарих және мәдениет ескерткіштерін іздеу және зерттеумен байланысты кешенді ғылыми-зерттеу жұмыстарын іске асыру, Қазақстанның тарихы, археологиясы, этнографиясы мен мәдениеті мәселелері бойынша сериялық басылымдарды шығару үшін қосқан үлесіне беріледі.

Конкурса ғылыми-зерттеу материалдары, археологиялық зерттеулердің нәтижелері, монографиялар, өлкенің мәдени мұрасын насихаттау бойынша іске асырылған жобалар, бағдарламалар қабылданады.

## **X. «АУЫЛ ЖАНАШЫРЫ» НОМИНАЦИЯСЫ**

Сыйлық селолық жерде мәдениетті дамыту, селоның мәдени-ағартушылық және білім беру кеңістігін байыту, жандандыру, жұмыстың инновациялық нысанын енгізу жөніндегі жүйелі жұмысы, облыстық және республикалық конкурстарға, байқауларға, есептік концерттік бағдарламаларға және т.б. қатысқаны үшін беріледі.

Номинацияға қатысу үшін жанқиярлық қызметінің нәтижелерін көрнекі көрсететін фото және бейне материалдарды ұсынып, тәуелсіз комиссияның алдында өз өнерін ұсыну қажет.



## **XI. «БІЛІМ БЕРУ» НОМИНАЦИЯСЫ**

Сыйлық мына критерийлер бойынша педагогтың педагогикалық қызметіндегі жетістіктері үшін беріледі:

1) оқушылар мен тәрбиеленушілер жетістіктерінің оң серпінінде көрінетін педагогикалық қызметтің жоғары нәтижелілігі (білім мониторингінің, оқу жетістіктерін сырттай бағалаудың, қорытынды аттестацияның, пәндік олимпиадалар, конкурстар, жарыстардың және т.б. нәтижелері);

2) педагогтың кәсіби біліктілігі (конкурстарға қатысу, зерттеу жұмысын жүргізу, ақпараттық-коммуникативтік білім беру технологияларын меңгеру);

3) педагогикалық тәжірибені жалпылау және тарату (шеберлік сағаттары, семинарлар, БАҚ-та жарияланымдар, халықаралық ынтымақтастық);

4) өңірде білімді дамытуға қосқан жеке үлесі (тәжірибеге білім беру жобаларын енгізу, инновациялық идеяларды насихаттау, авторлық бағдарламаларды әзірлеу және тарату).

Конкурсқа қатысу үшін мынаны ұсыну қажет:

1) Қостанай облысы әкімдігі білім басқармасының басшысы қол қойған қатысушыға ұсыныс;

2) қатысушының кәсіби және жеке қасиеттерінің сипаттамасы;

3) конкурсқа қатысушының өзінің педагогикалық қызметі туралы талдамалы есебі.

## **XII. «ШЫҒАРМАШЫЛЫҚ ҰЖЫМНЫҢ БАСШЫСЫ» НОМИНАЦИЯСЫ**

Сыйлық шығармашылық ұжым басшысының кәсіби біліктілігі, ұжымның шығармашылық жетістіктері, оның кәсіби және шығармашылық әлеуеті; Қостанай облысының мәдени өміріне шығармашылық ұжымның қосқан үлесі (соның ішінде ұжымның селолық округтарға баруы, есепті концерттерді беруі, репертуарының идеялық-көркемдік деңгейін арттыру, шеберлік сағаттарын өткізу және т.б.) үшін беріледі.

Конкурсқа қатысудың міндетті шарты болып 2019 жылы өңірлік, республикалық немесе халықаралық деңгейде жүзеге асырылған шығармашылық жобаларды (концерттік бағдарлама, спектакль, хореографиялық қойылым, конкурсқа немесе басқа да шығармашылық сайысқа қатысу); 2019 жылы шығармашылық ұжымның сөйлеген сөздерінің бейнематериалдары; соңғы жылы бұқаралық ақпарат құралдарында шығармашылық ұжым туралы пікірлер немесе жарияланымдарды өтінімде ұсыну қажет.

## **XIII. «СПОРТ» НОМИНАЦИЯСЫ**

Сыйлық дене шынықтыру мен спортты дамытуға қосқан айтарлықтай үлесі немесе халықаралық спорт аренасындағы жетістіктері үшін беріледі. Клубтың сыйлығын алуға жұмыс істеп келе жатқан спортшылар, оқытушы-жаттықтырушылар, дене шынықтыру және спорт саласындағы қызметкерлері тағайындалуы мүмкін.

Конкурсқа қатысу үшін мынаны ұсыну қажет:

1) Қостанай облысы әкімдігінің дене шынықтыру және спорт басқармасы басшысының қолы қойылған қатысушыға берген ұсыныс;



2) қатысушының кәсіби және жеке қасиеттерінің сипаттамалары;

3) спортшылар үшін халықаралық жарыстарда жетістіктерін растайтын грамоталардың (дипломдардың) көшірмесі; жаттықтырушы-оқытушылар үшін дайындаған спортшылардың грамоталарының көшірмесі (дипломдары), жаттықтырушылар тәжірибесін жинақтау және тарату материалдары (шеберлік-сыныптар, семинарлар, БАҚ-тағы жарияланымдар); дене шынықтыру және спорт саласы қызметкерлері үшін тәжірибеге енгізу туралы құжаттамалық растамасы бар әдістемелік әзірлемелер;

4) конкурс қатысушысының өзінің дене шынықтыру және спорт қызметі туралы талдамалық есебі;

**Барлық номинациялар үшін құжаттар беру шарттары:**

- Өтінім;
- Бір фотосурет 3 x 4;
- **Ұсыныс хат;**

Үміткердің өмірбаяны;

Шығармашылық түйіндеме (регалияларын көрсетумен);

Жеке куәлігінің көшірмесі және ЖСН.